

## 開放文學 – 神鬼仙俠 – 東遊記 卅五 洞賓大排天陣

卻說五國之兵，不日皆到。呂軍師乃提椿岩、韓延壽等出軍，離幽州望九龍谷而進。吩咐離九龍谷一望之地，架七十二座將臺，每臺令五千軍守之。又設立五壇，上立旗號，按青黃赤白黑之色，內開七十二路，往來通達。臺既築成，眾兵排列。呂軍師令鮮卑國黑袒令公馬管，率領部屬列在九龍正路，作鐵門金鎖陣。分一萬軍各執長槍把為鐵門，把守將臺七座。又分一萬軍各執鐵箭，按為鐵柱，把守將臺七座。又分一萬軍各執利劍，按為鐵棍，把守將臺七座。馬令公領軍去了。

呂軍師令黑水國鐵頭太歲，率所部軍，靠九龍山左排作青龍陣。分一萬軍手執黑旗，按為龍須，把守將臺七座。又一萬軍分為四隊，各執寶劍，按為四個龍爪，把守將臺七座。鐵太歲亦領軍而去。

呂軍師令長沙國蘇何慶，以部下靠九龍谷，排作白虎陣。分軍一萬各執寶劍，按為虎身，把守將臺七座。分軍一萬各執短槍，按為虎爪，把守將臺七座。又分耶律休哥，屯兵一萬，把守將臺六座，於前按朱雀陣，耶律奚底，領兵一萬，守將臺六座於後按玄武陣。四國左右，作倚角之勢。蘇何慶、耶律休哥等各領勇兵。

呂軍師令森羅國金龍太子，以所部軍端守將臺中座，按作玉皇大帝，坐鎮通明殿。蕃夫人代作黎山老母，再統中營，分軍一萬，各穿青黃赤白黑服色，按為四門星君。另軍各二十八名，披頭散發統中臺前，人按二十八宿，仍令上金牛裝為玄帝，上金秀手執黑旗，排成龜蛇，把守天門之北。

日軍師令西夏國黃瓊女，以所部女兵，手執寶劍，按為太陰星。蕭撻賴率所部各穿紅袍，按為太陽星。仍令黃瓊女赤身裸體，立於旗下，手執骷髏骨，遇戰大哭，按為月孛星。耶律沙率所部巡視四方，按東兩南北，結為長蛇之勢。

呂軍師令蕭後、單陽公主，率兵五千，各穿五色袈裟，為迷魂陣。內雜蕃僧五百，為迷魂長老。密取七個懷孕婦人倒埋旗下，遇交鋒之際，觀取敵人精神。呂軍師又令那律明選五千健僧，手執彌陀珠，裝為天雷音寺諸佛。另以五百和尚屯列左右，按為阿羅偈帝，居七十二天門之首，以吞敵人威勢。

呂軍師陣勢已定，使椿岩、韓延壽督戰，每陣中觀紅旗為號，未知宋兵如何迎敵？